

14.11.2022թ.

ք. Երևան

Առողջապահության նախարարությունը (այսուհետ՝ Պատվիրատու) ի դեմս Վ. Գրիգորյանի մի կողմից և «Կոմունալ Սերվիս» ՍՊԸ-ն (այսուհետ՝ Կապալառու), ի դեմս տնօրեն՝ Արամ Խաչատրյանի, մյուս կողմից, կնքեցին սույն պայմանագիրը հետևյալի մասին.

## 1. ՊԱՅՄԱՆԱԳՐԻ ԱՌԱՐԿԱՆ

1.1 Սույն պայմանագրով Կապալառուն պարտավորվում է Պատվիրատուի հանձնարարությանը մատուցել սույն պայմանագրի 1.2. կետում նշված ծառայությունները և կատարել աշխատանքները (այսուհետ՝ Աշխատանքներ). իսկ Պատվիրատուն պարտավորվում է ընդունել Կապալառուի Աշխատանքները և վճարել դրանց համար:

1.2 Կապալառուն պարտավորվում է կատարել հետևյալ Աշխատանքները:

1.2.1 Պայմանագրի գործողության ժամկետի ընթացքում կատարել՝ Հավելված 1-ով նախատեսված աշխատանքները, այսուհետ Աշխատանքներ:

1.3 Աշխատանքների կատարման ժամկետն է՝ <<14>> նոյեմբերի 2022թ. մինչև <<25>> դեկտեմբերի 2022թ.:

1.4 Աշխատանքները կատարված են համարվում Կապալառուի և Պատվիրատուի կամ նրա լիազոր ներկայացուցչի կողմից հանձնման-ընդունման ակտի ստորագրման պահից:

## 2. ԱՇԽԱՏԱՆՔԻ ԳԻՆԸ ԵՎ ՎՃԱՐՄԱՆ ԿԱՐԳԸ

2.1 Սույն պայմանագրի գինը կազմում է 959 999 /ինը հարյուր հիսունինը հազար ինը հարյուր իննսունինը/ ՀՀ դրամ, ներառյալ բոլոր հարկերը: Պայմանագրի գինը ներառում է պայմանագրի կատարումն ապահովելու նպատակով Կապալառուի կողմից կատարվելիք բոլոր վճարները (ծախսերը), այդ թվում՝ հարկերը, տուրքերը, փոխադրման, ապահովագրման ծախսերը, պարգևավճարները և ակնկալվող չափով: Պատվիրատուն աշխատանքների գումարը պարտավորվում է վճարել աշխատանքների ավարտական ակտի երկկողմանի կնքումից հետո 5 աշխատանքային օրվա ընթացքում:

### 3. ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

3.1 Կապալառուն պարտավոր է՝

3.1.1 Հետևել դրանց կատարման պատշաճ որակին, խստիվ հետևել անվտանգության կանոնների պահպանմանը:

3.1.1.1 Անվտանգության կանոնները չպահպանելուց բխող հետևանքների համար պատասխանատվություն է կրում Կապալառուն:

3.1.2 Աշխատանքները կատարել ամբողջ ծավալով, սույն պայմանագրի 1.3. կետում նշված ժամկետում:

3.1.3 Պատվիրատուի տրամադրած նախագծային-նախահաշվային (փաստացի կառուցվածի հետ համապատասխանեցված) փաստաթղթերի համաձայն՝ իր ուժերով, գործիքներով, մեխանիզմներով, ինչպես նաև անհրաժեշտ նյութերով և պատշաճ որակով իրականացնել աշխատանքներ:

3.1.4 Աշխատանքների արդյունքը Պատվիրատուին հանձնելիս նրան հայտնել այն պահանջների և կանոնների մասին, որոնց պահպանումն անհրաժեշտ է աշխատանքի արդյունքի արդյունավետ և անվտանգ օգտագործման համար, ինչպես նաև տեղեկություններ հաղորդել այդ պահանջները և կանոնները չպահպանելու հնարավոր հետևանքների մասին:

3.1.5 Պատվիրատուի պահանջով 15 օրվա ընթացքում անհատույց վերացնել հայտնաբերված բոլոր թերությունները այդ թվում (թաքնված) թերությունները.

3.2 Կապալառուին իրավունք ունի՝

3.2.1 Պատվիրատուից պահանջել սահմանված ժամկետներում կատարել սույն պայմանագրի 2-րդ մասով նախատեսված վճարումները:

3.2.2 Սույն պայմանագրի 2.2 կետում նշված ժամանակացույցով նախատեսված պարտավորությունները չկատարելու կամ ոչ պատշաճ կերպով կատարելու համար Պատվիրատուից պահանջել վճարել տույժ ժամկետանց յուրաքանչյուր օրվա համար 0.05 % չափով:

3.3 Պատվիրատուին իրավունք ունի՝

3.3.1 ցանկացած ժամանակ ստուգել Կապալառուի Աշխատանքների ընթացքը և որակը՝ առանց միջամտելու նրա գործունեությանը.

3.3.2 մինչև հանձնման-ընդունման ակտի ստորագրումը՝ ցանկացած ժամանակ հրաժարվել պայմանագիրը կատարելուց՝ Կապալառուին վճարելով սահմանված գնի այն մասը, որը համապատասխանում է մինչև պայմանագրի կատարումից Պատվիրատուի հրաժարման մասին տեղեկություն ստանալը կատարված Աշխատանքների չափին:

3.3.3 Աշխատանքների արդյունքի թերությունների հետ կապված պահանջներ ներկայացնել, եթե դրանք հայտնաբերվել են Աշխատանքները հանձնելուց 1 ամսվա ընթացքում.

3.4 Պատվիրատուին պարտավոր է

3.4.1 սահմանված ժամկետներում Կապալառուին վարձատրել սույն պայմանագրով նախատեսված Աշխատանքների կատարման համար.

3.4.2 Կապալառուին ապահովել անհրաժեշտ տեղեկատվությամբ՝ սույն պայմանագրի 1.2 կետով սահմանված Աշխատանքների արդյունավետ իրականացման նպատակով.

3.4.3 սույն պայմանագրով նախատեսված ժամկետում և կարգով՝ Կապալառուի մասնակցությամբ գննել և ընդունել կատարված Աշխատանքները, իսկ պայմանագրից Աշխատանքների արդյունքը վատթարացնող շեղումներ կամ աշխատանքում այլ թերություններ հայտնաբերելու դեպքերում այդ մասին անհապաղ հայտնել Կապալառուին.

3.4.4 Աշխատանքներն ընդունելուց հետո, աշխատանքի արդյունքում պայմանագրից այնպիսի շեղումներ կամ թերություններ հայտնաբերելու դեպքում, որոնք չէին կարող հայտնաբերվել ընդունման սովորական եղանակի ժամանակ (թաքնված թերություններ), այդ մասին հայտնել Կապալառուին:

3.4.5 Սույն պայմանագրի 1.3 կետում նշված ժամանակացույցով նախատեսված պարտավորությունները չկատարելու կամ ոչ պատշաճ կերպով կատարելու համար Կապալառուից պահանջել վճարել տույժ ժամկետանց յուրաքանչյուր օրվա համար 0.05 % չափով

#### 4. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ -ՄԱԺՈՐ)

Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը այդ մասին նախապես տեղյակ պահելով մյուս կողմին:

## 5. ՊԱՅՄԱՆԱԳՐԻ ԺԱՄԿԵՏԸ

5.1 Սույն պայմանագիրն ուժի մեջ է մտնում Կողմերի ստորագրման պահից և գործում է մինչև աշխատանքների վերջնական ավարտի և պայմանագրից բխող պարտավորությունների կատարման համար անհրաժեշտ գործողությունների ավարտման պահից:

5.2 Պայմանագրի գործողությունը վաղաժամկետ դադարեցնելու դեպքում հաշվարկները կատարվում են՝ ելնելով կատարված Աշխատանքների փաստացի ծավալից:

## 6. ՎԵՃԵՐԻ ԼՈՒԾՄԱՆ ԿԱՐԳԸ

6.1 Սույն պայմանագրի կապակցությամբ ծագած վեճերը լուծվում են բանակցությունների միջոցով. Համաձայնություն ձեռք չբերելու դեպքում վեճերը լուծվում են դատական կարգով:

## 7. ԱՅԼ ՊԱՅՄԱՆՆԵՐ

7.1 Սույն պայմանագրի բովանդակությունն ամբողջությամբ համապատասխանում է Կողմերի կամահայտնությանը:

7.2 Եթե սույն պայմանագրի որևէ դրույթ անվավեր ճանաչվի, ապա դրա մյուս դրույթները չեն կորցնում իրենց ուժը:

7.3 Սույն պայմանագրով չկարգավորված հարցերը լուծվում են Հայաստանի Հանրապետության գործող օրենսդրությամբ սահմանված կարգով:

7.4 Սույն պայմանագիրը կնքված է հայերեն լեզվով, երկու օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է մեկական օրինակ:

## 8. ԿՈՂՄԵՐԻ ՀԱՍՑԵՆԵՐԸ, ԿԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Կապալառու

Պատվիրատու

«Կոմունալ Սերվիս» ՍՊԸ

ՀՀ առողջապահության նախարարություն

Իրավ. հասցե՝ Տավուշի մ., ք. Նոյեմբերյան,  
Սայաթ-Նովա 25  
ՀՎՀՀ 07623373

ք. Երևան, Կառավարական շենք 3  
ՀՎՀՀ 02507171

«Ինեկորբանկ» ՓԲԸ

Ֆինանսների նախարարության  
գործառնական վարչություն

Հ/Հ 2050822080211001

Հ/Հ 900011018885

Տնօրեն

Գլխավոր քարտուղար

Ա. Խաչատրյան

Վ. Գրիգորյան



## ԾԱՎԱԼ ԱԹԵՐԹ-ՆԱԽԱՀԱՇԻՎ

Առողջապահության նախարարության «Պետական առողջապահական գործակալության» գտնվելու վայր՝ ք. Երևան, Գ. Հովսեփյան 10 հասցեում,  
ջեռուցման խողովակաշարի մասնակի փոխարինում

| N  | Աշխատանքների տեսակները և անվանումը | Չափ.<br>Միավ. | Քանակ | Միավ.<br>գին | Գումար  |
|----|------------------------------------|---------------|-------|--------------|---------|
| 1  | Խողովակ Φ63                        | մ             | 120   | 3880         | 465600  |
| 2  | Անցում-միացում                     | հատ           | 4     | 7520         | 30080   |
| 3  | Անկյուն 63                         | հատ           | 6     | 1190         | 7140    |
| 4  | Եռակողմ                            | հատ           | 6     | 1710         | 10260   |
| 5  | Անցում (մետաղական)                 | հատ           | 5     | 1000         | 5000    |
| 6  | Անցում 50x1/2                      | հատ           | 3     | 3950         | 11850   |
| 7  | Ամերիկյանկա 50x1/2                 | հատ           | 3     | 7370         | 22110   |
| 8  | Զողման աշխատանքներ                 | կետ           | 6     | 7000         | 42000   |
| 9  | Միացում(Մուֆտ)                     | հատ           | 42    | 790          | 33180   |
| 10 | Խողովակի մոնտաժման աշխատանքներ     | մ             | 120   | 1000         | 120000  |
| 11 | Միացման կետ                        | հատ           | 8     | 4000         | 32000   |
| 12 | Ընդամենը                           |               |       |              | 779220  |
| 13 | Ընթացիկ ծախսեր                     | %             | 10    |              | 77 922  |
| 14 | Ընդամենը                           |               |       |              | 857 142 |
| 15 | Շահույթ                            | %             | 12    |              | 102 857 |
| 16 | Ընդամենը                           |               |       |              | 959 999 |

## Կապալառու

«Կոմունալ Սերվիս» ՍՊԸ

Իրավ. հասցե Տավուշի մ., ք. Նոյեմբերյան,  
Սայաթ-Նովա 25  
ՀՀՀՀ 07623373

«Ինճեկորանկ» ՓԲԸ

ՀՀՀՀ 2050822080211001

Տնօրեն



Ա. Խաչատրյան

## Պատվիրատու

ՀՀ առողջապահության նախարարություն

ք. Երևան, Կառավարական շենք 3  
ՀՀՀՀ 02507171

Ֆինանսների նախարարության  
գործառնական վարչություն

ՀՀՀՀ 900011018885

Գլխավոր քարտուղար

Վ. Գրիգորյան



Կ.Տ.